



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 7

Yangia anidakangma :

Tir Yimyim

tiryimyim@aolima

tir yimyim

TAPAK 8

July 25 nü Droupadi Murmu-
linük Tir tenangzükba agitsü

Sri Lanka PM inyaksü
Dinesh Gunawardena shimogo

VOL. XIX NO. 278 (ADOK 278) DIMAPUR

KÜPTOKNÜ (SATURDAY)

CHITENI (JULY) 23, 2022

₹ 5.00

Department temi senotsü timi amshitsüla: J. Alam

Dimapur, July 22, 2022 (TYO): Hokolbarnü Chief Secretary, J. Alam-i Fisheries & Aquatic Resources, Land Resources aser Soil & Water Conservation department tem den senden menogo.

Iba mapang pai department tem dang senotsü timi amshitsü aser schemes tangutsüpurtemi tajangzük angutsü atema inyaksü ayongzük.

2021-2022 tsüingda Department-i yangluba fishery ponds nung angu 9,151 MT tashi metsü aser angu metsür nem subsidised jenjang nung fish seeds lakh 280 agütsü, ta Fisheries & Aquatic Resources Department-i ashi.

Department-i 2030 tashi nung WHO-i ashiba ama 11 Kg per capita consumption atongtsü alizüing lir aser 2030 tashi 22,000 MT fish production atongtsü, ta parnokisa ashi.

Fisheries & Aquatic Resources Department-isa Technical staff aser garitem peria maliba khuret lemsatöp.

Chief Secretary-i department dang common fish farming atema tesemtem jangjatsü ashi aser inyakyim tajung aser tasentem atonga inyaksü ayongzük.

Department of Land Resources-ia Pradhan Mantri Krishi Sinchayee Yojana - Watershed Development Component 2.0 (CSS) aser State Schemes kübok Rubber Plantation, Coffee Plantation, Arecanut Plantation, Springshed Management, Permaculture based approach amala mapa inyakba osang lemsatöp.

Nagaland nung Coffee Plantation nung tajangzük lir aser 50,000 hectares nung coffee lu ayimtsü alizüing lir. State nung Coffee Bars 21 yangluogo aser department-i machine tem agütsüogo, ta Land Resources

Department-isa metetdaksü.

Chief Secretary J Alam-i Department dang maparen teimba inyaksü mesüra staff ajemtsü indang tebilemba ka lemsatöp. Paisa Cadre Review nung temulung agütsütsü ashi.

Department of Soil & Water Conservation-ia Soil Survey & Land Use Planning, Nursery Development, Integrated Watershed Management Project, Mechanised Land Development, Integrated Land Development Under Negotiated Loan, Integrated Catchment Area, RKVY, National Mission for Sustainable Agriculture aser Digital Agriculture Mission under National E-Governance Plan Agriculture osangtem lemsatöp.

Sechu-Zubza nung aliba State Soil & Conservation Research & Training Centre nungi Regional Centre akümtsü atema jembidar, ta Department of Soil & Water Conservation-isa metetdaksü.

Chief Secretary J Alam-i National E-Governance Plan Agriculture scheme kübok Digital Agriculture Mission süoki ia inyaksü atema metetdaksü.

Iba ajanga departments aser agencies aika sendakteptsü aser Prime Minister Narendra Modi-ia iba nung temulung kanga agütsür, ta J Alam-isa ashi.

Directorate aser district ajak nung Soil Testing mapa junga inyakdar aser maneni department-i iba mapa maneni inyaksü ayongzük. Department-isa laboratory tem nungi revenue models inyaksü nenshir, ta Chief Secretary-isa metetdaksü.

Department temi schemes aser projects inyakba indang publicity aser advertisement shitak agütsütsüla. Iba ajanga selection process tajungba akümtsü aser tim beneficiary temi tenüing agüja tajangzük agitsü akok, ta J. Alam-isa ashi.

Phek nung African Swine Fever putet

Dimapur, July 22, 2022 (TYO): Phek district kübok Phusachodu yimtsüing nung African Swine Fever (ASF) adoka lir ta Additional Deputy Commissioner, Pfutsero, Japheth Woch, NCS-i ashi.

NERDDL, Khanapara, Guwahati nung laboratory test report ajanga ASF aliba putet ta Assistant Veterinary Surgeon, Pfutsero-i shidi ka zülu aser iba nungji ajemdaker tenokdangbatem agütsür ta Japheth Woch-i ashi.

Phusachodu yimtsüing aser temeket kilometer 1 telongtet 'infected and containment zone' ta sangdonger. Ano, iba yimtsüing

nungi kilometer 10 telongtet nung aliba tesemtem- Thipuzu, Rihuba, Kikrumba aser Rukizu Colony, Pfutsero 'surveillance zone' asütsü ta ADC Pfutsero-isa metetdaksü.

Iba tesem nung tanga tetuyuba ka magütsü tashi ak taküm aser akshi belenba noktanger, ta paisa ashi.

Nagaland nung taküm ASF wara adokba sülen ak 6403 tashi iba tashidak ajanga süogo ta AH&VS indang ASF Core committee-i metetdaksüogo.

Taküm April ita Longleng, Mokochung aser Mon nung ASF puteta liasü aser June ita Dimapur nung putet.

Engineer temi loktiliba ajungtsü atema inyaker: Metsubo Jamir



Kohima Hotel Japfu nung North East Engineers conference akaba mapang Minister Metsubo Jamir-i shilem agia jembiba noksa nung angur.

Kohima, July 22, 2022 (TYO): Engineer temi langka tasen ka purapitetsü mesüra yanglua aliba ka tajungba kümdakja loktiliba ajungtsü atema inyaker ta Rural Development Minister, Metsubo Jamir-i ashi.

Engineer temi inyaktetba mapatem ajanga taküm libaliro nung teyari angur aser ajangzük, ta paisa ashi.

Federation of Nagaland State Engineering Services Association (FONSESA)-i Indian Engineers Federation (North East Region) (INDEF NER) Mid Term cum Annual Council Meeting nung jembidar Minister Metsubo-i iba ya metetdaksü. Iba sentong nung pai Chief Minister Neiphiu Rio tenüing nung shilem agia liasü.

"Tanü putu nung machineries, systems aser gadgets medeni nisungtem liyonga moutetsü. Asenoki item osettem zübazüba amshir saka engineer tem aliba ajanga item ya asenoki amshitet" ta pai ashi.

"India'er Act/Look East Policy ajanga northeast state tem kanga tongtipang kümdaksüogo. North-East region ya Bangladesh aser Myanmar amala linüktem den anasatapa lir. Külen India'er foreign policy nung Association of Southeast Asian Nations (ASEAN) den tesentaktep

akangshir anungji iba nung North-East state tem ya India aser Southeast Asia tsüingda apu ka ama lir" ta Metsubo-i metetdaksü.

North-East nung ali rongsen onsara lir aser linük water resources 34% shi ka aser hydropower tashi 40% shi lir, ta paisa ashi.

Union Finance Minister Nirmala Sitharaman-i northeast nung Rs. 1,34,200 crore jungnüa rail, road aser air connectivity mapatongtem inyaksü metetdaksüogo. Item mapatong ya taniungba India aser North-East tali sendakteptsü atema lir, ta Minister Metsubo-isa ashi.

North East region ya terenlok aser tejakleni aodak tongti tesem ka lir ajisüaka asenoki nungdakba aika mali, ta paisa ashi.

Indian Engineers' Federation (North East Region) (INDEF NER) ajanga lisopurtemi nungdakba atema tongti süa inyaksüla. Technology kanga ainba ama tanü engineer temi lipüküm aser alima kümzüka yua asenok tejakleni aotsü atema merangtsüla, ta paisa shisem.

"Nenoki innovative systems shisatetba aser infrastructures yangluba ajanga lipüküm nem timtem bentsür marutsüla" ta Metsubo-isa ashi.

Tanü senden nung INDEF NER-i onük asem takhangba agütsüshio. Parnoki technical personnel ajanga technical government departments ketdangtsütsü, engineers vis-à-vis administrative services tsüingda tebandang malitsü aser National Engineering Commission tentetsü atema akhanger.

Technical departments nung Technical nisungtem nem Secretary / Joint Secretary / Deputy Secretary inyaktaksüba ajanga Technical departments tajungba akümtsü, ta INDEF NER president Pura Tupe-i ashi.

Engineer temi terenlok mapa nung tongtipang shilem agir saka Administrative services nung ketdangsurtem jenjang aser itasen ama manugur. Anungji Engineers vis-à-vis administrative services tebandang malitsüla ta Pura Tupe-isa ashi.

Engineers aser Administrative Services Officers nem kasa jenjang aser tajangzük agütsütsüla, ta paisa ashi.

India nung Engineering Commission ka tentetsüla. March 11, 2005 nü Prime Minister Dr. Manmohan Singh dang Engineering Commission ka tentetsü atema temepishiba agüja liasü, ta INDEF NER president-isa metetdaksü.

Indian Engineers Federation general secretary Paluk Sharma-ia o jembidar state units aser INDEF NER ajanga Prime Minister nem onük asem takhangba agütsüba mapa akümtsü atema maneni yariteptsü ayongzük.

Iba sentong nung FONSESA president K. Hutoi Sema-i tesentepertem pelaa agizük aser FONSESA Secretary General Mezivil Kikhi-i anküp tepela o jembi.

RPP-i President's rule atema online signature campaign tenzükogo

Dimapur, July 22, 2022 (Agencies): Nagaland nung President's rule benoktsü atema Rising People's Party (RPP)-i online signature campaign ka tenzükogo.

RPP-i online portal change.org ajanga signatures 10,000 shi angutsü atema online campaign tenzük ta sangdong ka nung metetdaksü.

Parnoki petition campaign ajanga signatures bendentsü aser ibaji Prime Minister Narendra Modi dangi abentsü ta RPP-isa ashi. May 12, 2022 nü RPP-i India sorkar dang Nagaland nung President's rule benoktsü atema shidi ka zülu aser iba ya Nagaland indang financial emergency nung ajemdaker liasü.

Iba sülen nungi tensa tamajungba kümogo aser RPP-i public timtemba tenüing nung

President's rule benoktsü akhanger, ta RPP-isa ashi.

United Democratic Alliance teloktep sorkar kübok senotsü tim mesüi amshiba aser ochimashi inyaker aser iba jagi Nagaland nung President's rule nungdaker. Nagaland nung timtemba public-i link <https://chng.it/pKTg6bBJ> nung sign asüba ajanga Nagaland tajungba akümtsü, ta parnokisa metetdaksü.

SDGI index of NITI Aayog 2021 ajanga Nagaland ya wadang trok- poverty, health, affordable energy, sustainable cities, industries aser minfrastructure kübok Worst Performing State ta sangoktsüogo.

Ano, NITI Aayog 2022 ajanga State Energy and Climate index (SECI) nung Nagaland ya worst performing state lir. India nung

state aser UT 35 rongnung Nagaland jenjang 33 buba nung lir. Nagaland nung deficit budget lir aser 2022-23 atema deficit ji Rs 2212.74 crore lir. Nagaland sorkari mapa inyaker lakh 1.30 nem itasen magütsüteter, ta RPP-isa ashi.

Northeast region nung Nagaland University ta tamajungtiba lir aser National Institutional Ranking Framework (NIRF) nung 151-200 band kübok dena lir. July 21, 2022 nü sayaba NITI Aayog India Innovative Index 2021 nung Nagaland ya NE nung state tamajungtiba ta shia lir, ta RPP-isa ashi.

Nagaland High Court ya küm 15 tashi yanglua aruaka ano merenem aser India nung medical college maliba state ji Nagaland dang lir, ta parnokisa ashi.

Dimapur DPDB züngsemtemi yimtung aokba gol alitsü pangjem



Deputy Commissioner, Dimapur indang Conference Hall nung July 22, 2022 nü Dimapur District Planning & Development Board senden alidang tangokba noksa ka yangi angur.

Dimapur, Chiteni/July 22 (TYO): Dimapur District Planning and Development Board züngsemtemi Dimapur district atema seed money lemzükja aliba nungi Truck Mounted Sweeping and Cleaner Machine alitsü pangjema liasü.

Dimapur yimti müreka ayutsü atema iba 'high tech sweeping machine' alitsü onük ya Chairman, DPDB Dimapur aser MLA Moatoshi Longkumer-i benoka liasü.

Hokulbarnü Dimapur District Planning & Development Board senden nung jembiba mapang, iba gol indang jenjang ya sen lakh 31 lir aser Dimapur atema common pool fund ya sen lakh 23 lir, ta Moatoshi-i metetdaksü.

Iba atema pai temaba

ketdangsür dang tanüngba senotsü asüngdangtsü, ta ashi aser Dimapur yimti müreka ayutsü asangsang kumdaksütsü atema züngsemtem danga tenlatsü ayongzükä liasü.

Iba maparen atema loktii molunga agizük aser Deputy Commissioner, Dimapur, Sachin Jaiswal, IAS-ia district atema iba ama mapa nung akok tashi yaritsü ashi.

Society registration atema aikati asüngdanga aliba dak sendakba nung, register süa aliba society temi shidakba inyakba aser par nükjidong ama liteter asü masü ta ketdangsürtemi asadangtsü nüngdaker, ta MLA Moatoshi-i ashi.

Deputy Commissioner, Dimapur ajanga züngsemtem dang ita shia DPDB senden

amenba nung medema arua adentsü nenshia metetdaksü.

Iba senden nung Diphupar nung aliba Grace Christian Mission School, Nihoto Village-i belentsü indang jembiba liasü.

Lampstand Hr. Secondary School, Toluvi ajanga nüngdakba criteria ajak abensa inyaktetba aser tatidang result junga anguba asadanger lokti-i iba school nem Grant-in-aid agütsütsü lemtet.

Society kar register asütsü indanga iba senden nung jembiba liasü aser teloki agizükä ayu.

Principal, Dimapur Government College, Lilanthung ajanga senden nung PowerPoint presentation agütsü aser tang college nung teinyakdak maparen balala aser tarutsü nung inyaka aotsü indang lemsatepa liasü.

Department of H&FW ajanga COVID vaccine atema metetdaksür

Dimapur, Chiteni/July 22 (TYO): Nüburtem teyari aser amalitep ajanga India nung COVID-19 vaccine dose crore ana agütsüba July 15, 2022 nü benjongogo, ta Department of Health & Family Welfare ajanga sangdong ka nung ashi.

Nagaland nunga tang tashinung COVID-19 vaccine dose lakh 16.90 dak tema agütsür lir. Iba mozü agütsü temsüa alirtem rongnung 1st Dose agir alir shilem 58.8, 2nd Dose agir alir shilem 46.8 aser

Precaution Dose agir alir nisung 42,000 dak tema lir.

State nung ano tawa ka nungi COVID-19 positivity rate tali akumba ajanga nüburtem dang first, second aser precaution dose ya tekeratiba nung Government Covid Vaccination Centers (CVCs) nung agütsü ayongzük, ta Department sangdong ajanga ashi.

July 20, 2022 tashinung Nagaland nung nisung lakh 1.75 dak tema 2nd dose agütsü/

mapang süyir liasü aser Precaution Dose agütsü temsüa alir nisung lakh 5.6 dak tema liasü.

Iba mozü agütsü temsüa alirtem nem mozü agütsütsü asoshi Government of India ajanga sentong tasen - Azadi Mahotsav sangdongogo, koba ajanga Government CVCs ajak nung precaution dose angati anogo 75 (September 30 tashi) aser Har Ghar Dastak ya July 31, 2022 tashi agütsütsü.

Sl.No	Cohort/Category	Vaccine type	1 st & 2 nd Dose	Remark
1.	12-14 Yrs	CorBEvax	Dose 1 aser 2 tsüngta anogo 28 alitsüla	2010 küm asor küm 12 junger alirtem. 2009 aser 2008 nung asortem iba category nung aiter.
2.	12-17 Yrs	Covaxin	Dose 1 aser 2 tsüngta anogo 28 alitsüla	2007, 2006 aser 2005 nung asortem iba category nung aiter.
3.	18+ Yrs	Covishield	Dose 1 aser 2 tsüngta anogo 84 (ita asem) alitsüla	2004 mesüra aji masü dang asor ajak iba category nung aiter.
4.	Precaution dose for 18 Yrs above	Covishield		Dose tanabuba agir ita trok ajungertem agitettsü.

Linük aser state nung COVID-19 cases timba akumer asünung, iba tashidak prokshiba nungi jenbua alitsü mechi nüburtemi vaccine agütsü, mask inoktsü, tena shidoktsü aser social distancing yimya amshitsü nenshia metetdaksür, ta Directorate of Health & Family Welfare ajangasa ashi.

Dimapur BS&GA-i ketdangpur tasen aniok

Dimapur, Chiteni/July 22, 2022 (TYO): Brehostibarnü (21.07.2022) DC's Conference Hall, Dimapur nung Bharat Scouts & Guides' Association Dimapur indang President ama Deputy Commissioner Dimapur Sachin Jaiswal, IAS aser District Secretary ama Sr. SDEO Dimapur, Apokla Longkumer na anioka liasü, ta sangdong ka ajanga metetdaksü.

Iba sentong nung DC, Sachin-i, BS&GA nung adenba ya tang mezüng masü kechiyong kaketshir aliba mapang Bharat Scouts & Guides aser NCC nung shilem agia liasü, ta ashi.

BS&GA Dimapur nung anioka atema pelar aser khonang ama bilemer ta lemsatepba den külemi BS&GA den longjemer amalitepa

inyaktsü ta pai nangzük.

Maneni, iba sentong nung District Organising Commissioner (Scouts) Agay Joseph aser District Organizing Commissioner (Guides) Kevileno Haikum nati flag ceremony aser tenangzüktep (Oath-taking) ketdangtsüa agi. Iba sentong tembanga Scouts & Guides 'Tap song' sayu, ta kasa sangdong ajanga ashi.

Peren DC ajanga District Hospital ICU semzüktsü

Dimapur, Chiteni/July 22 (TYO): Deputy Commissioner, Peren, Vineet Kumar, IAS ajanga July 22, 2022 nü District Hospital, Peren Town nung ICU building tasenba semzükja liasü.

Iba sentong nung jembiba mapang Deputy Commissioner ajanga nüburtem dang district nung inyaksangshi balala junga aotsü aser terenlok alitsü atema sorkar den yariteptsü ayongzükä liasü.

ICU building tasenba ya district atema kisüng masü saka danga district tem asoshia teyari tulu alitsü, ta pai ashi.

Mapang shidak nung iba ki renemtetba atema Kumar-i Peren nung aliba nüburtem nem tenüngsang agütsü aser medical ketdangsür dang iba facility tajungtiba nung amshitsü ayongzükä liasü.

Principal Director, Health &

Family Welfare ajanga iba sentong nung jembiba mapang, administrator aser ano danga telok balala lenirtemi ICU yangluba atema pelaba lemsatepa liasü.

President, PTWO & member, Construction Committee, Pelingrangle-i iba ICU yangluba osang tongmelang agi agütsü aser iba kisüba mapang arogo, lokti tentet balala aser kija-kibong temi tenla agütsüba atema pelaba lemsatepa liasü.

Iba ki yanglutsü atema nüburtemi tenla agütsüba sen ajak agi 19,34,721 liasü, ta lai metetdaksü.

Iba sentong nung SDO(C) Kemciyile menden liasü aser Dy. CMO Peren aser President PTWCU & member, Construction Committee Gaigwang Hegeu nungeria jembiba liasü.

Power Grid Corp. of India Ltd-i Mkg. Police nem Solar Light 20 agütsü



Power Grid Corporation of India Limited ajanga Mokokchung Police nem Solar Light 20 agütsüba sentong nung Mokokchung Police aser Power Grid Corporation of India Limited ketdangsürtem külemi tangokba noksa nung angur.

Mokokchung, Chiteni/July 22 (TYO): Power Grid Corporation of India Limited ajanga Mokokchung Police nem Solar Light 20 agütsüba sentong Mokokchung Police Station-1 nung July 22, 2022 nü agiogo.

Tanü iba sentong nung Superintendent of Police, Mokokchung, Aotula IPS-i jembidang, Police Department nung kanga dang nungtaka aliba Power Grid Corporation of India Limited-i Mokokchung Police nem Solar Light 20 agütsüba asoshi pelaba

metetdakja ashi. SP Mkg-isa Solar Light-ji Police Station asoshi kangadang tongtipang nungtakba oset ka lir, kechiaser Police station jagi nübur jenti arur aser tongtipangsa anü yüür kelen iba solar light tesangwa atsükba ajanga Police Station nung teyari tulu ngutettsü, ta ashi.

Aotula-isa Mokokchung District nung Police Station 8 tashi lir, anungji item ajak nungji iba teyari ya agia inyakba ajanga Mokokchung Police dang masü saka Mokokchung nübur ajak tajangzük asütsüta, ta shisem.

NCSU ajanga FONESA dang pelar

Dimapur, Chiteni/July 22 (TYO): Federation of Nagaland State Engineering Service Associations (FONESA) ajanga Kohima nung July 22 aser 23, 2022 anogotem Indian Engineers' Federation (North East Region) Mid Term cum Annual Council Meeting ayongzükä agiba angashia Nagaland Contractors' and Suppliers' Union (NCSU) kanga pelar, ta NCSU ajanga sangdong ka nung ashi.

INDEF (NER) nungi State level unit balala indang delegates aser Indian Engineering Federation (INDEF) nungi iba sentong nung adentsü aruba atema pela agizük, aser North East Region

nungi engineer temi Nagaland aser linük ajanga densema terenlok asoshi süoki ia bilemba atema pelar, ta ashi.

Iba senden ananü amenba ajanga North East Region nung ternlok aser ki-o-jen tsütsü danger memenep aliba indang jembitsü aser North East Region yalinük nung danga tesemtem den kasa akumtsü asoshi sentong karbo yanglutsü imla atar, ta sangdong ajanga ashi.

Iba senden nung adenertem state nung jangratema munger pei aiba tesemi meyipa aodang Nagaland aser North East region terenlok asoshi ambassador ka-ka asütsü imla atar, ta NCSU ajangasa ashi.



Assam kübok Silchar nungi differently-abled artist Abhijeet Gotani-i Prime Minister Narendra Modi den ajurutepa special portrait ka agütsüba angur. Iba portrait nung PM Modi tanur asüandang nungi pa Prime Minister akümba tashi noksatem dena lir. Abhijeet tetsü aser Assam Chief Minister Himanta Biswa Sarma na lia Abhijeet Gotani-i PM Modi nem sempetji agütsü.

Assam nungi lanur pezü Sessa waterfall anasa sür lia angu



Itanagar, July 22, 2022

(Agencies): Assam nung lanur pezü Arunachal nung samaba osang prokshiba sülen anogo ishika lir Nechiphu yimtsüng anasa lungren ka nung gari ka aser tasüangtem ngutetogo. Arunachal Pradesh Police-i 500 feet lungren ka nung gari den mangtemji angu. Hokolbar antügang parnoki Assam Police nem osang sangoktsüogo. Par pezü ya July 19 nungi samar bushitepa aru. Parnok ya Nagaon nungi Arunachal Pradesh kübok Tawang-i aodang sama.

Sessa waterfall anasa Saddle river basin nung par pezü indang tasüang angu. "Sessa atongtsü anasa kilometer 0.2 shi jakdang gariji lungreni ai. Tzüsü mesüra gari nung timtem kar ajanga lendong atalok asütsü akok. Gariji kanga mejungi raksaogo, rescue operations inyakdar aser parnok kinungertema tesem tonga aruogo" ta SP Sargey Norbu-i ashi. Par pezü ya Nayan Basumatary, Hirok Boro, Bedanta Barmahela aser Sanjiv Das nungertem liasü.

"Arunachal Pradesh Police-i onok nem osang sangoktsüogo saka parnoki tasüangtem mesüra gari agitettsü makoker. Tang National Disaster Response Force (NDRF) telok kati mang agitettsü atema inyakdar. Mang aser gari agitetba sülen ang parnok ya Assam lanurtem asü masü'ar jangatsü" ta yashi Nagaon deputy superintendent of police (headquarter) Tridip Kumbang-i shia liasü. "Onoki Nagaon nung lanur kinungertem den osang lemsateptsü atema nisungtem yokogo" ta paisa ashi. Nayan Basumatary (30), Bedanta Bormoina (30), Hirok Boro (32) aser Sanjiv Das (34) nungertem ya Hombarnü Nagaon nungi Volkswagen hatchback (AS01-BP-0605) ajanga Tawang-i apuso. Parnok West Kameng district kübok Dirang valley atongba sülen sama.

Mizoram nung YMA-i apuba yi aser mozü raksa endok

Aizawl, July 22, 2022
(Agencies): Kolasib kübok Diakkawn nung yi aser tanga ozüing alema shibelenba mozü sen lakh 3 jenjang raksa endokogo ta Food, Civil Supplies & Consumer Affairs Minister K. Lalrinliana-i ashi. Rs. 3,30,100 alang yi aser mozütem ya Kolasib Young Mizo

Association (YMA) Sub-Headquarters ajanga apuba liasü. Mizoram nung mozü aser yi shibelenba mapa kanga inyaker aser iba khuret azüokba mapa nung YMA-i yaritepba atema kanga pelar, ta K. Lalrinliana-i ashi. "Mozü aser yi ta loktiliba asoshi tsükchir lir" ta Minister Lalrinliana-isa ashi. Paisa YMA

dang pelaba tamaitü Rs. 70,000 tenla agütsü. "Kolasib district ya India nung yi aser mozü kanga amshiba district 272 rongnung dena lir. Iba jagi state sorkari district nung 'Nasha Mukta Bharat Campaign' tenzükogo" ta Kolasib Deputy Commissioner (DC) John LT Sanga-i ashi.



Bangladesh High Court bench ka ajanga October 18, 2022 nü ULFA indang prangpong-injang anguba ken o angadangtsü anogo shimogo. April 2, 2004 nü Chittagong Urea Fertiliser Ltd. (CUFL) jetty nung truck gari 10 nung ULFA indang prangpong-injang aika nguteta liasü. Iba mapang ya Bangladesh Nationalist Party-Jamaat teloktep sorkar liasü aser Bangladesh nung ULFA military wing tanishir Pares Barua liasü. Justice Shahidul Karim aser Justice Fatima Najib na adenba High Court bench-i iba ken o angadangtsü atema anogo atakzüksü.

Meghalaya SSA tesayurtemi lungkak aitba anenogo

Shillong, July 22, 2022
(Agencies): Meghalaya sorkari ita pezü indang itasen Rs 122 crore agütsütsü nangzükba sülen MSSASA-i lungkak aitba anenogo. Deputy Chief Minister Prestone Tynsong-i itasen agütsütsü indang osang metetdaksü. SSA tesayur 12,541 nem ita pezü indang itasen agütsütsü atema Rs 122 crore lemkzüksütsü ta state sorkari nangzük. State sorkari tezüluba nung iba tenangzükba agiba sülen MSSASA-i mapa telatet makai lungkak aitba anenogo.

shensotemi yaritepba atema kanga pelar ta Rymbui-isa ashi. Deputy Chief Minister Prestone Tynsong-i Meghalaya SSA Schools Association (MSSASA) indang teshimtet telok ka den senden amenba sülen ita pezü indang itasen agütsütsü lemtet agi. "Sorkari ita pungu nungi ita pezü indang itasen agütsütsü aser ita ka indangji India sorkar nungi sen anguba sülen agütsütsü" ta Tynsong-i ashi. Iba tenangzükba ya tezüluba nung MSSASA president Aristotle C Rymbai ket nung agütsü. State sorkari Rs 78.0 crore indang Corpus Fund lemkzüksütsü aser Centre nungi first installment anguba sülen ibaji meyipa agütsütsü aser Education department-i lemtet agitsü, ta Tynsong-isa metetdaksü. Chief Minister Conrad K Sangma aser Tynsong nati Centre den SSA tesayurtem indang tebilemstü lemsateptsü.

Mizoram nung prangpong-injang aika ngutet



Aizawl, July 22, 2022
(Agencies): Assam Rifles indang Lunglei Battalion den Mizoram Police-i Lawngtlai District nung prangpong-injang aika ngutetogo. Osang tejangja ka angazükba

sülen parnoki Lalnaola ta ser nisung ka ki mita ao. Idangji parnoki rifle 3, 0.32 ka, 0.22 ana, bore gun ka, 0.22 Pistols ana, pistol magazines 4, 0.22 pistols indang cut barrels 10 ngutet.

Assam district 4 nung dang tzümetsüng timtem lir

Guwahati, July 22, 2022
(Agencies): Assam tzümetsüng tensa tajungba kümogo aser district aika nung nisungtem timtemba ajema kümogo. Brihostibar nikongdang tashi nung district 4 nung dang tzümetsüng timtem lir, ta Assam State Disaster Management Authority (ASDMA)-i

metetdaksü. Brihostobarnü nisung 17213 tashi tzümetsüng timtem agi kongshi aser ali hectare 237 nung tsünusenbongtsü raksaogo. Tang tashi nung relief camps 9 aser distribution centres 2 lir aser relief camps nung nisung 1253 jenoka lir ta ASDMA-isa metetdaksü.

Tripura nung 'FMD Disease' atema vaccine agütsür

Agartala, July 22, 2022
(Agencies): Tripura nung kiset shirurtem dak Foot and Mouth Disease (FMD) atema vaccine agütsüba maparen tenzükogo. State ajungalen anogo 45 atema vaccine agütsütsü. Prime Minister Narendra Modi-i Foot & Mouth Disease azüoktsü atema September 2019 nung National Animal Disease Control Programme (NADCP) tenzüksüba aser den liromedema Tripura nung

kiset shiruru 7.46 lakh nungi 6.23 lakh nem vaccine agütsüogo. "Brihostibar nungi vaccination shilem tanabuba tenzükogo anungji shiruru metsür ajaki veterinary dispensaries aser hospitals nung vaccine agütsütsü ayongzük" ta Animal Resource Development minister Bhagaban Chandra Das-i ashi. Centre sorkari Tripura nem iba mapatong atema Rs 7,38,054 lemkzüksüogo.



TIR YIMYIM YIMOBILEM (EDITORIAL)

DIMAPUR

KÜPTOKNÜ

CHITENI 23, 2022

Tetsür tanabuba tir akümer

Akhidang Orissa ta ajaba state, Odisha nungi asenok ama tangar India nunger tashitemetet aser rongsen nung memenebpa Santhal kin nungi tetsür ka India nung tir asütsüsa shimtetbaji, la asoshi dang masü saka India tsürtemsa asüyonga teküpbok jenjang nung alir tetsürtem asoshi takok aser tayongzükba tuluka asütsü. India nung tetsür mezüngbuba tirji watsü Pratibha Patil liasü aser tang Droupadi Murmu ya India tsürtem rongnung tanabuba India tir akümer asütsü. Ibaji dang masü saka tang tashi nung India tir inyaka arurtem rongnung India yimten nüchiso ngur asorbo la mezüng asütsü. La ya 1958 küm sensaker kibong ka nung aso aser tesayur mapa inyaka graduate asü. Iba sülenjiang la yimten nung Biju Janata Dal aser BJP telok na longjemer Odisha nung 2000 nungi 2004 tashi yimsü asü dang la kilonser inyaka liasü. Iba sülen, la 2021 tashi Jharkhand nung angh inyaka liasü. Atangji, la ya Odisha nungi BJP lenir nungtugu ka asüba agidang masü saka ano BJP telok nükjiongji taruba 2014 election nung Odisha nung parnoki government akümtsü tebilemba lir. Yimten yimsüsüba yimya agi shir yimsü tesüdak lir, par telok denji tatar teimba alir, kechiyong tatar teimba asüba agi government kümteta yimsü asür, anungji parnoki shiba tir südaktsünüdir pa mesüra laji election nung adoktsübajibo meteta akaba mapa ka dang lir. Ajisüaka, madoktsü metetsümonga opposition telok telongjem nungi Yashwant Sinha-i toktepbajia tenükshitsüka lir, kechiyong pai ashiba ama, senso ka ama kecha tajangzük meimlai pai pa teinyaktsü mapa ka inyakogo. Aji oda, election mapang pai linük nung shiba tir shimdir shimaka, pei telok tsütsü atsünga temzüng melentsüba masü saka temzüng shitak amshia linük tashi itdaktsütsü asoshi inyaktsü nungdaker ta jembia jajaba onüktem agi Murmu yariba teloktem nema tangatetba agütsüogo. Atangji, nütsüng crore noklang ka dak tali aliba linük ka nungi tir asütsü maangka angubaji atamata jenjang ka masü aser ajia, teküpbok jenjang nung aliba kin nungi tetsür ka shimtettsüsa yimten nung litetbaji Murmu asoshia konang nüngsang angutsü kanga tetemsü. Lai akokba takok yabo tangar kin tulu aser takar kintem nungi anguba takok dang nungi kanga agia tuluba asütsü. India nung tir menden ya yimten nung temaba saka inyakyim nungbo pai mesüra lai angatetba nung yimten tashi amshitsüsa tashi tuluka agüja mali. Iba jagi India tirji tangari lateta akaba nung pa mesüra la nung ajenloktsütsüba 'rubber stamp'-anga ta jembir aser aji shitak lir, kechiyong tatar senden nung temzüng ozüng kuma latettsü asoshi lemtetba onük terenem dang tir dangi yoktsü aser pai mesüra lai idakji meyongnem agütsütsü memelungyonga khen dang meyipa reprangshidaktsünüa tatar sendeni yoktsüba dak alaka, kasa telemtetbajisa aruyonga, tanabenbo meyipa meyoktettsü, anungji pai mesüra lai memulungyonga tatar senden nung lemteter yok nungji agizüktsüsa akümtsü. Aji oda, government shitak nokdaka ali tashibo, India nung yimten inyakyim agi tir dangbo ato kilonser-ang maparen inyaka aoba nungbo tashi taitba aser tongtibangba akümer. Ajisüaka, shiba shimdir shimaka, linük nung tir asütsü shimbaji mashi nisung ka shimer masü saka la aser pa mapa agi linük nümadangtettsüsa inyaketba aser jembitetba agi shimer, anungji linük tir dak nungi government nung alirtem shisalen tajung angutsü imlar. Tang ama center nung Hindu yimsü dak dang ketasena amangba aser amangdaktsütsü merangba teloki anir yimsü asü dang, chiaajemba sobaliba nungi tenzüker tamangba yimsü tashi nung kongshitsüsa temzüng ozüng tasen latettsü atema ken o benoktsüa akok, iba ama mapang nungji India tir shisatsü aser tangatetba kanga nungdakttsü. Kibong nung dang masü saka yimten nunga tebur tebur dang ashibabo aiben mangar saka tetsüri tebur dang ashibabo angar. Iba tashiji amshia, la den toktepsang Yashwant Sinha-i ashiba ama, pei telok kisüngi angatetbalen atsünga linük temzüng yanglushitsüba masü saka India ya tamangba aser sobaliba ajak sademsadema amangba aser beshiba linük ka asütsüsa temzüng yanglua aliba ama, India nung tamangba yimsü balala amanger ajaki India ya ozü lima ta meima bilemetsüsa linük nung tetsür tanabuba tir Murmu leniba nung, India sensosanger ajaki 'Jai Hind' shia India telongjem nung tejakleni aotsü imlar.

OLEMSABANG

Aor sobaliba nung Tetsür ka Maitsü

Dr. I. Lolen Imchen

(Yashi adok nungi...)

4. Akhi dang 'yim mungdang' tata tainer pangdak kübok, tebur kisüngi inyaktsü wadangtem atema, teburtem kisüng atenshia sobaliba yimli ken otem jembibato kanga dang tim liasü. Saka tanü alima terenlok aser tashitemetet nung, tetsür-tebur mebendangi kanga kara-a asemtepba putu ka nung, tashi temetet aser shisa rajem agi tebur alema aliba tetsürtem aika pei kidang petzüka yutsür, tebur kisüng mungdangtepba ya, (saka shisalen sayurbo: imformats/resource govt officials bo tetsürang sür nung) tetsür temeten sotba kisüng masü, saka alima terenlok asemtep leman nunga asen sasa talenba yoker asü? (Kechiaser tashitemetet kinungtsü kidang moka yutsür tangatet makaba kinungbo kati yamala mungdang mungji nung tesayubatem angapeter kibong nung aiben timtemtepa tenük kuli lir).
5. Yimdak yimtsüng nungbo kini-lumong akabaji senmang akaba temaitsü, saka tanü yimtsüng nung kini-lumongtem toktsür yimtitem bushiba (migration shift from rural to urban) putu ka nung 'senmang' jenjang tangatetba ya, yimtsüng nung 'kini-lumong' ya dangsa asü, pei jala jabaso tekolok shisatsü aser tangatetba koba sen agi alizüktsu makok, iba yaang jenjang tuluba asütsü?
6. 'Senmanger jabaso' pei tebu senmang (rongsen) ajak chireptsür talidaka makai lia 'sobaliba nungbo senmang makaba jala-i ang, jilai anir oa mesüa aliba tsüraburtem atema, senmangtsü atema yongya-a mesütetba senmangsang tebur jenjangjia koma?
7. 'Lokti nung liner tajung ka shiba asütsü asadangtsü atema, shibai sen timi ketang süteter iba jagi sayur', ta tesüiba American Defense Secretary, Donald Rumsfeldi ashi. Kibong kilong aser lokti tentet balala sen achaayangba nung shibai, (tetsür asü tebur) sen tajungba ketdang süa angur? Kibongji lokti tentet tilatiba ka ama, tim rongsen ketdangsüba nung jung junga training agir lokti tulu nunga ketdangtsütsü tetemsü tetsür liaka, tanü lokti, yimden, menden ajak nung alima terenlok atema aruba rongsen tesamadak memeteti samadokba indang asatepba ya, ketdangtsütsü nung ochi mashi tebur mapa ta meshitetlima?

America nunger yimsü aser yimden nung lenir Brigham Youngi yamai ashi, "You educate a man, you educate an individual, you educate a woman, you educate a generation." Nai tebur ka sayuang, nai nisung ka tashitemetet kümtsütsü, saka nai tetsür ka sayutetra nai kin ka tashitemetet nung ajongkettsür. Tanü tetsür maitsü (identity) aser temeten (right) aika tebur sobaliba kübok (patriarchal system) alena, shibanga ayuba takoksa tulutibaji alima pei terenloktsü merenlokteti lokti rajang kümtsür ta B. Youngi ashiba nungi angateter. Napoleon Bonaparte-ia ashi, tetsür ka jenjang ajungketbaji alima kin ka ajungketba den saku. Tanü alima nung tanak temesüng, tetsür-tebur tetsünga kecha tebendang makai, shiba tajungba, shibai akoker, shiba dak tashi sempet tajungba aka ta bushitepa tejakleni asemtepba putu ka nung, tebur yasa temaba teyanglutetba (superior being) ka ama akhi tejen sobaliba (traditional patriarchal mindset) agi yimli jenjang ajonga amongbanger, tetsür yabo tanabuba teyangluba (secondary being), tenyatenponger ka amai dang züngshia litepba ya, tetsür ajemoka mezüngmeshiba kisüng masü, saka tanü asen meimchir loktiliba 'tamachi jenjang' shisangba den 'alimarajang' akümba temaitsü ka lir.

Tanü putu nung koba lokti-i tetsür ka maitsü jenjang shitak wazüka meyuteter, aser alima yimsoshiba den mapet ta angateter. Item jenjangtem nungi tanü aseni asetshia nüchi angutsü memulungra, asen kin-i 'yimden nüchiso' masü saka akhi tejen putu talenba tangtetba aser tejen sobaliba, koba ajanga asen lokti rajang kümdaktsür, iba nungiang nüchiso angutsü kanga rongdaka nungdakba kin-ang asütsü. Angashir, angatetter meyinyaktetbaji, aina (mirror) nung pei tejak mümürük ajiteter, saka iba (aina) nungi pilarbo pei tejak mümürük mebiletet amai (Yakob 1:23-24). Anungji koba sobaliba ajanga lokti ta rajang kümdaktsür aji melenshidi.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

France nung akhidang asüba Tenla ki aika bendoktsütsüa akok



France nung Metz Tenla ki noksa nung angur. Iba Tenla ki ya 1550 küm renema liasü.

Paris, July 22 (Agencies): France nung MP aikati, akhidang asüba Tenla ki meyrjang aika anepalutsü atema sorkari senotsü teyari magütsüra item Tenla ki aika ayoktsüsa akümtsü mesüra bendoktsütsüa akok, ta metetdaksüogo.

"Anüolen aliba linüktem nung tang ajangshiba ama France nunga akhidang asüba Tenla kitem atema tebilemtsü akar," ta French Senate atema renemba report ka metetdaksü.

"Item kiojen ya tanela tsütsü dang masü saka putiotsü, sobaliba aser akhidang kiojen yanglubaren den sendaktepa lir," ta kasa report ajanga

metetdaksü. Senators- Pierre Ouzoulias aser Anne Ventalon nati, France nung yimsü dak sendakba tesem 100,000 wazüka ayutsü atema tebilemba onük benoktsü asoshi tena nem mapa lemsükja liasü, ta metetdaksü.

France nung Catholic Arogo Tenla kitembo linük meyong kiojen, ta küm 100 tejaklen sangdonga liasü, ibayongji sorkari itemji anepalur aser tekülem sentong agitsü atema melar.

Aso 20buba mapang nung kiojen 40,000 yanglua liasü aser item rongnung jagi 15,000 bo nüngshi kiojen ta sangdongogo, ajisüaka talisa yimtsüngtem

nung aliba Tenla ki aika junga anepalu masür, ta kasa report ajanga metetdaksü.

Joko Tenla ki 500 bo shibangadokogo aser yimsü dak sendakba sentong kecha magir, iba denji külemi 2030 küm tashi nungbo Tenla ki 5,000 ayoktsü mesüra bendoktsüa akok, kechiyong item kiojen kanga tejen kümogo, ta kasa report ajanga metetdaksü.

Linük nung Tenla ki 36,000 dak tema lir, aser item Arogo aika nung putir mali. Sorkar ketdangsertemi ashiba agi, item Tenla ki anepalutsü atema sen aika nüngdaker aser ibaji ajanga linük senotsü tsütsü khuret tulu agütsür.

2021 küm alima tesem balala nung Laishiba million 32 lemtsüogo

July 22, 2022: 2021 küm alima tesem balala nung Laishiba million 32 dak tema lemtsüogo, ta United Bible Societies (UBS)-i metetdaksü.

"2020 küm coronavirus wara ajanga alima nung Laishiba alemba ajema liasü saka 2021 küm nungbo alima nung Laishiba million 32.6 dak tema lemogo. Ibaji 2020 küm den medemdangra shilem 5.5

agi teimba lir," ta UBS-i metetdaksü.

Laishiba alemba shilem 20 shibo internet nungi download asü. Digital editions alemba ajanga tongtambang shilem agir, talisa Mozabimque ama rara aliba tesem nung digital edition ya kanga tongtambang, ta kasa report ajanga metetdaksü.

Bible Society-i digital Bible edition nisung 51,000 nem

lema agütsüogo.

Ajisüaka Tasen Lai kija kaketbo yaküm tajemba alem, kechiyong 2020 küm Tasen Lai million 5.7 lema liasü saka 2021 küm nungbo million 5.1 dang alem.

German Bible Society nungi World Bible Aid tongti, Horst Scheurenbrand-i, "Europe dak alaka continent ajak nung Laishiba tang teimba alem," ta metetdaksü.

Pope Francis-i July 24-30 anogotem nung Canada semdangtsü

Toronto, July 22 (Agencies): Pope Francis-i July 24 nungi hopta ka Canada semdangtsü lia Canada nung lisopur lenirtem aser akhidang Khristan residential schools nung azüngertemi, Arogoi tatok meshibaji dang masü saka onoki iba dang nungjagi tali imlar, ta shiogo.

Tesüiba küm 20 tsüngda tang mezüng Canada semdangba Pope ji Francis asütsü.

Amongnü Pope Francis-i, akhidang Roman Catholic putirtem aser nun temi residential school nung tanurtem dak tim mesüi benshiba ajanga school tanur meyrjang aika süogo; iba aibelen atema taneptsü bushia pai tatok meshitsü, ta metetdaksü.

Akhidang Canada nung lisopur tanur 150,000 dak tema



pei kidang nungi anir oa Catholic Arogoi ketdangsuba school tem nung züngdaksü; iba mapang nungji parnok aika dak tim mesüi benshi, tashiyim amshia raksatsü aser chiyungtsü peria magütsü liasü.

2015 küm Canada nung Truth & Reconciliation Commission-i, ibaji sobaliba dak sendakba nung nisung jenti tepsetba lir, ta sangdonga liasü. Yaküm British Columbia

nung aliba residential school ka nung tanur 215 aremba tasü mang anguba sülena tanga residential schools nung tanur jenti aremba leper aika nguteta liasü. Iba sülen aikati Pope Francis dang tatok meshitsü takhangba agütsü.

Canada nung nütsüng shilem 32 shi Catholic Khristantem lir.

Canada nung temelung yirur alir aikati, Pope-i semdangba ajanga parnok melung yirur aliba taneptsü angutsü, ta amanger.

Arrshi küm 85, Francis-i Alberta province kübok Edmonton aser Maskwacis semdangtsü, iba sülen Lac Ste. Anne aser Quebec City semdangtsü; pai tesüsa Iqaluit semdangtsü.

2002 küm tesüsabuba Canada semdangba Pope ji Pope John Paul II liasü.

ANOGO ABEN TSÜNGREM DEN

Yihova Tezüngzükba

- T.Ken 144:1-8

Kechiba takoksang Tsüngremi asenok dak temulung agütsür ? Pa taochi agizüktsüsa asenok shirnok ? Dawidi iba tasüngdangba tekong 3 nung asüngdang. "Kibuba nai meimchir metettsüsa kechi lir ? Mesüra nai nisung chir züngshitsüsa kechi lir ?"

Tsüngremi asenok züngshitsüsa asenok kechi lir ? Asenok teyakyak asü ? Shiruru karbo asenok dang nungi tashi taitba lir. Asenok temeshi asü ? Masü, asenoki Tsüngrem anema temenen mena. Asenok tamang katetba lir asü ? Aiben asenoki Pa dang tashi manger. Meimchir tangatetba tsütsü nungi Tsüngremi asenok menungratsüsa asenok dak kecha maket. "Nisungji tangula ka dang mesüka lir; Pa anogotemji süia aoba akhüm ka mesüka lir" (t.4). Teti takümüji mokozü alungba mesüka lir. Parnok angur idangjisa parnok oadoker.

Kechiba Tsüngremi asenok dang temulung agütsür? Kechiaser Pa taochi aser yimli bilem agi asenok dang meimer. Idaki Dawidi Tsüngrem amshiba tetezü Yihova Tsüngrem, taochi tezüngzükba akaba Tsüngrem ta amshiba lir. Pai asenok dang tenangzükbatem nangzük aser parnoki pa dak amangtsü akok. Dawidi Pa "Kü mulung aser kü mitsa, kü tashi tait lungki aser kü kümzüsüba, kü jong aser Pa dak ni jenokdak bushir" (t.2) ta rasaa ashi.

Ibai asenok asoshi rasaa ashitsü kanga tarok miim o lir, saka metettsü asoshi asenok asoshi kanga tarok masü. Kechiba Tsüngremi asenok dang temulung agütsür asenoki mangatettsü akok, saka Par chir kilir ka asütsü aru ta asenoki metet. Pa kangki nung asü, asenok asoshi tenla agütsü, aser tang pa kotak nung lir, asenok asoshi mepishitsür.

Tsüngremi asenok dak temulung agütsür kechiaser Pai asenok meimer aser asenok taküm ajanga pa sentsüwangshiner. Pa den jajaang aser ne taküm Pa sentsüwangshidakjang.

Indonesia linük nung pastor ka densema nisung ter khaset

July 22, 2022: July 16, 2022 dang iba tatalokba nü Indonesia kübok Papua nung prangpong amer telok kati truck ka nung mena alirtem dak injang khalokja gari nung mena alir ajakji khaset, ta International Christian Concern (ICC)-i metetdaksü.

Egianus Kogoya leniba nung prangpong amer telok jagi pastor ka densema nisung ter khaset. Truck nung mena alirtem rongnung Khristan pastor, Eliaser Baner densema shishilembartem aika liasü. Pastor Baner ji Arogo mongdang ka nung adentsü atema yimtsüng kati aoba mapang nung khaset.

Egianus Kogoya ya West Papuan Liberation Army nung lenir, aser region nung pa leniba nung mapang shia timtem agütsür.

Indonesia nung Communion of Churches Justice & Peace Desk nung executive secretary, Rev. Henrek Lokra-i sorkar

dang iba tatalokba bushisüngdangtsü atema bushisüngdangba luden ka tentetang, ta takhangba agütsüogo.

Indonesia kübok Papua province anüdoklen tsütsü Khristan nütsüng teimba lir. 1960s mapang nung Indonesia-i iba region agiba mapang nungi telok balalai mapang shia timtem agütsür.

Separatist telok balalai sepaitem anema raraba ajanga nübur aika jenshiogo.

Sorkari iba region nung tang province ana aliba nungi province trok akümtsü sentong yangluba sülen ano tensa tamajungba kümogo.

Commission for Missing Persons & Victims of Violence-i ashiba agi, 2017 küm nungi 2021 küm tashi nung Papua province nung lendong tatalokba 58 liasü aser item lendong nung civilian 69 asü aser 135 yirua liasü.


OLONG PAITEP # 6238

1			2			3		4		5
							6			
7										
					8		9			10
		11								
12										
						13				
14										
15										
						16				

- | | |
|-------------------------------------|-------------------------------------|
| TIPIEN | LANGTSÜNGLEN |
| 1. Zülua aliba metetsü merang - (5) | 1. Tetsür tsüngda jatepba - (7) |
| 3. Senyur - (5) | 2. Tai inyakogo ta metetdaksü - (7) |
| 6. Meji - (4) | 4. Temenen - (6) |
| 7. Temaitsü - (5) | 5. Taleptsü yin - (3) |
| 9. T _ _ _ _ maka - (4) | 8. O jembiba yimya - (3) |
| 11. Tanidaker - (7) | 9. Anü alulen - (7) |
| 12. Tekong sobutsü - (4) | 10. Shibang - (7) |
| 13. Naro ka - (5) | 11. Tajatsü tim - (6) |
| 14. Ibai - (4) | 14. A _ _ _ ten - (3) |
| 15. Nashi chiyimdak - (5) | |
| 16. Magima - (5) | |

OLONG PAITEP # 6237 TELANGZÜBA

- | | |
|---------------------------------|-----------------------------------|
| TIPIEN : | LANGTSÜNGLEN : |
| 1. Lemsä, 3. Osang, 5. Mezüing, | 1. Lamän, 2. Sangken, 3. Omen, |
| 6. Agi, 7. Süra, 8. Tebutem, | 4. Asüküm, 7. Sendong, 8. Tejang, |
| 9. Amen, 12. Odi, 13. Asayar, | 10. Tanga, 11. Tazü. |
| 14. Angsü, 15. Agima. | |



Agüja aliba noksa nung meputepi
aliba 8 bushiang

TANÜBO NAI LANGZÜANG

Q. Küm shia koba anogo 'International Moon Day' amunger ?
 [A] July 18 [B] July 20
 [C] July 22 [D] July 23
 (Taruba adok nung onoki langzüsü)
YASHI ADOK TELANGZÜBA: Shooting

AO OSHI ANGAZÜKDAK:
TANÜ ANGAZÜKTSÜBA OJANG

Nanglanangshi
 (adv) talubosa, agir magima (abundant)
 * Asenoki benjongbentsü nung chiyongtsü nanglanangshia amshir.

Nanglok
 (v) talila aranglok (pile up)
 * Motzü agi janarüja ajak bener alu kilentsü nung nanglok.

NAI-A YA METETTER MA

Taoba Mapang July 23 Anogo Tatalokba Kar :



Ford Model A

- 1904 - Ford Motor Company-i 'Ford Model A' ta nüngja agütsüba mezüing automobile ayok.
- 1956 - Baseball Hall of Fame nung Joe Cronin aser Hank Greenberg na aniok.
- 1965 - UK nung 'The Beatles'-i "Help" ken saya.
- 1995 - Alan Hale aser Thomas Bopp nati 'C/1995 O1' (Comet Hale-Bopp) ta nüngja agütsüba Comet ngutet.
- 2000 - Grand Slam takok angur golf asayar rongnung Tiger Woods tanubosang aküm.
- 2014 - Glasgow, Scotland nung 20buba Commonwealth Games lapok.

SUDOKU # 6276

	4			7	8			
2			5	6	1	4	9	
	1	3						2
6	3	5		8			2	
7		4		5	9	8		
8				2	7	5	3	
	7	9			5			
	5		9		1		6	
1		2		4	5	3		7

TELANGZÜBA # 6275

	1	2	8	6	9	4	7	3	5
5	7	3	1	8	2		9	6	4
6	4	9	7	5	3	1	2	8	
2	8	1	5	6	7	3	4	9	
3	9	4	8	2	1	6	5	7	
7	5	6	4	3	9	8	1	2	
4	6	5	3	7	8	2	9	1	
8	3	2	9	1	5	4	7	6	
9	1	7	2	4	6	5	8	3	

OJANG LUTEP # 5823

BEIOP	:	□	□	□	□	□
AANSBE	:	□	□	□	□	□
LIA	:	□	□	□	□	□
AAM	:	□	□	□	□	□
NGAATR	:	□	□	□	□	□
AASHIMITT	:	□	□	□	□	□
ETTTTUA	:	□	□	□	□	□
BBEMIAJ	:	□	□	□	□	□
AAKJL	:	□	□	□	□	□
KANNDIG	:	□	□	□	□	□

OJANG LUTEP TELANGZÜBA # 5822

TAJUNG INYAKTSÜ ANGATETA DANG LIR SERNUNG
KECHIBA MASÜBA INYAKTSÜ MERANGER

TAN HOPTA ATEMA - KOMA SÜLA ?

Q. Nagaland nung Municipal aser Town Council nunga linük temzüngi latettsüba ama tetsürtem nem 33% ya shiteta yutsü nunga koma süla ?

Parliament nung opposition-i maneni GST anema longkak ait



New Delhi, July 22, 2022: Chiyungtsü aika nung GST saru atuba anema opposition party balala nungi MP temi Parliament kima Mahatma Gandhi kürakyanglu anasa longkak aitdang tangokba noksa nung angur.

New Delhi, July 22 (Agencies): Hokolbarnüa Parliament nung Opposition party balala nungi lenirtemi tawa sorkari chiyungtsü balala nung Goods and Services Tax (GST) saru atuba anema longkak ait aser iba onük nung o lemteptsü atema takhangba agütsü. Opposition züngsemtemi linük nung osettsüset jenjang atuba anema Parliament House

anaprongla nung o lemteptsü takhangba agütsü. Congress, NCP, CPI, CPI-M, Shiv Sena, DMK aser RSP densema opposition party balala nungi lenirtem Parliament kima Mahatma Gandhi kürakyanglu anasa adenshir sorkar anema longkak aita yimyim ayima liasü. Opposition party temisa Ato kilonser, Narendra Modi dang Parliament-i arutsü aser

chiyungtsü balala nung GST atuba atema o lemteptsü nung shilem agütsü takhangba agütsü. July 18 nü tzüngluruwa mongpu Parliament tenzükba anogo nungi Opposition party temi osettsüset nung jenjang atuba aser chiyungtsü aika nung GST saru atuba atema o lemteptsü takhangba agütsüba ajanga senden junga magiteti arudar.

Agnipath anema longkak aitba agi Railways sen cr. 259 akoksaogo

New Delhi, July 22 (Agencies): Tawa India kübok state aika nung nüburtemi Agnipath scheme anema longkak aitdang railways kiojen raksatsüba ajanga Indian Railways sen crore 259.44 takoksa nguogo, ta Hokolbarnü Rajya Sabha senden nung Union Railway Minister, Ashwini Vaishnav-i metetdaksü. Congress lenir, Akhilesh Prasad Singh-i tasüngdangba aika asüngdangba sülen telangzüba agütsüdang Minister-i, "Agnipath scheme anema longkak aitba ajanga rail service nung timtem adoka passenger tem nem meyipa agütsüba senotsü osang tejangja mebeden," ta metetdaksü. Ajisüaka Vaishnav-i, "June 14, 2022 nungi June 30, 2022 tashi nung train service thinenba ajanga sen crore 102.96 shi meyipa agütsüogo," ta metetdaksü. Minister-isa, police aser tensa aziüoktsü mapa ya India linük

temzüng nung Seventh Schedule kübok state tem teinyaktsü mapa lir, ta metetdaksü. Vaishnav-isa, anungji tensa aziüoktsü, nokdangtsü, ken o benoktsü aser aibelenertem anema bushisüngdangtsüji state sorkartem mapa lir, ta metetdaksü. "State sorkartem Government Railway Police (GRP) aser District Police ama ozüng benokba agencies ajanga tensa aziüoktsü atema inyaktsüla. Railway meyong kiojen kümzüksü, passenger area aser passengertem kümzüksü atema Railway Protection Force (RPF)-i Government Railway Police (GRP) aser District Police den yaritepa inyaker," ta pai metetdaksü. "Railway kiojen densema state sorkar meyong kiojen raksatsüba ken otem benoker aser IPC den Railways Act kübok GRP aser State Police-i bushisüngdang," ta minister-isa metetdaksü.

Agnipath scheme anema longkak aitba mapang nung longkak aitertemi train rondoktsü, nija aser sorkar meyong gari aika raksatsü aser state aika nung railway stations aser highway aika tongbang raraba tesem mesüka liasü. Taoba ita 'Agnipath' scheme sangdongba mapang nung Defence Minister, Rajnath Singh-i, iba scheme ajanga armed forces nung lanurtem aika sepai nung shimoktsü, ta metetdakja liasü. 'Agnipath' scheme kübok shimba sepaitem dang 'Agniveers' ajatsü. Parnok küm pezü atema sepai nung shimoktsü aser küm pezü abensaba sülen parnok shilem 25 dang regular shima ano küm 15 tenzüksü. Tanüngba shilem 75 ji sepai nungi anentsü aser nisung shia sen lakh 11-12 agütsütsü, skill certificates agütsütsü aser maparen tanga inyaktsü atema bank loan agütsütsü.

Lok Sabha aser states elections külemi dang agütsü atema benok

New Delhi, July 22 (Agencies): Parliamentary committee kati Centre aser states election külemi dang agütsü atema benok, kechiyong mapang balala nung election agiba ajanga timtem aika adoker aser service balala kongshir, ta parnoki metetdaksü. Elections khenyongi dang agiba ajanga senotsü aika kümzüksü, kechiyong kümshia election balala agiba ajanga senotsü tali indoker, ta Parliamentary Committee-i metetdaksü. Lok Sabha aser state assemblies elections külemi dang agütsü atema Law Commission-i matsüngdang benokogo," ta metetdaksü. Law Ministry-isa 2014 küm nungi tenzükba elections ayongzüka agütsü atema kümshia states aser Union Territories nem agütsüba senotsü osang metetdaksü.

"Lok Sabha aser state legislative elections külemi dang agütsü atema Parliament Standing Committee on Personnel, Public Grievances, Law & Justice-i Election Commission of India densema stakeholders den jembishinüdar. 79buba report nung Committee-i iba dak sendakba tebilemba onük kar metetdaksüogo. Iba atema asalentong yanglutsü asoshi maneni asadangtsü aser Lok Sabha aser state assemblies elections külemi agütsü atema Law Commission matsüngdang benokogo," ta metetdaksü. Law Ministry-isa 2014 küm nungi tenzükba elections ayongzüka agütsü atema kümshia states aser Union Territories nem agütsüba senotsü osang metetdaksü.

July 25 nü Droupadi Murmu-i linük Tir tenangzüka agütsü



July 22, 2022 nü New Delhi nung linük tatong Tir, M. Venkaiah Naidu-i Tir election nung takok angula, Droupadi Murmu nem tenüngsang agütsüdang tangokba noksa nung angur.

New Delhi, Chiteni/July 22 (Agencies): Hombarnü (July 25) Droupadi Murmu-i Tir tenangzüka agütsü aliba dak sendakba nung Hokolbarnü Personnel Ministry-i Hombarnü sorkar office kar shibangtsü tuyuogo. Tenangzüka agiba sentong agiba mapang nung tang teyangludak Parliament building mapa-a anena atatsü tuyuogo. July 25 nü Parliament House Central Hall nung Tir tenangzüka agütsü, anungji July 25 anepdang 6:00 ako tashi nung office 30 azüngtettsür alitsü metetdaksü.

"Iba dak alia tenangzüka sentong agiba mapang nung Parliament Building tasenba yangluba maparen anena atatsü," ta Personel Ministry-i metetdaksü. Hombarnep nungi nikongdang 2:00 ako tashi shibanga atatsü tuyuba office tem rongnung South Block, North Block, Rail Bhawan, Krishi Bhawan, Shastri Bhawan, Sanchar Bhawan, Press Trust of India (PTI) Building, Sena Bhawan, Vayu Bhawan, Udyog Bhawan aser Nirman Bhawan densema lir, ta kasa osang ajanga metetdaksü.

Lok Sabha nung Indian Antarctic Bill, 2022 agizük

New Delhi, Chiteni/July 22 (Agencies): Hokolbarnü Lok Sabha nung Indian Antarctic Bill, 2022 agizükogo; iba bill ajanga Antarctic region nung India-i amenoka aliba research stations atema linüki yangluba ozüngtem benoktsü. Indian Antarctic Bill agizükli Speaker, Om Birla-i senden thinenba liasü. Hombarnü nikongdang 2:00 ako nung ang senden tenzüksü. Hokolbarnü senden anaben tashi thinenba sülen nikongdang 2:00 ako nung senden tenzükba mapang nung Earth Sciences Minister, Jitendra Singh-i Indian Antarctic Bill, 2022 benokba

sülen iba Bill nung o lemtepa liasü. Antarctic region nung India-i research stations ana- Maitri aser Bharti amenoka lir, aser item stations nung scientist temi research agidar. Iba Bill ajanga temelaba magii mesüra Antarctic Treaty nung tanga party ka nungi tezüluba nung temelaba makai India nung Antarctic-i aotsü memelatsü. Iba ozüng kübok aibelenertem nem temerenshi agütsütsü. Iba bill kübok Antarctic region nung research agütsü aser rürjep continent wazüka ayutsü atema fund ka tentettsü.



July 22, 2022 anepdang 10:00 ako nung Central Board of Secondary Education (CBSE)-i Class 12 final tatidang osang sangdongba sülen Class 12 nung azünger kaketshirtemi result reprangba noksa nung angur. Taküm Class 12 nung azünger shilem 92.71 aser Class 10 nung azünger shilem 94.40-i takok nguogo.

GOVERNMENT OF NAGALAND
DIRECTORATE OF TECHNICAL EDUCATION
NAGALAND : KOHIMA

Dated Kohima, the July 2022.

NOTIFICATION

NO. DTE/ESTT-2/02/2021-22/ This is to inform the NSEE-2022 appeared candidates whose merit falls within 1 to 200 that the spot counselling will be held on 27th July, 2022, at 12:00 Noon, in the Conference Hall of the Directorate of Technical Education, Nagaland, Kohima, below New Secretariat building, to fill up the reserved seats given in the table below. Selection will be purely based on NSEE-2022 meritlist, options/preference exercised by the candidates.

Sl. No	Name of Course	No. of Seats	Remarks
1	B.V.Sc. & AH	4	
2	BSc. Fishery	1	
3	BSc. (Hons) Sericulture	2	
4	BSc. (Hons) Agri	1	
5	BSc. (Hons) Horticulture	1	
6	B. Pharmacy	10	(8 State Nominee & 2 endowment seat)
7	B. Sc. Nursing	11	
8	B. Sc. MLT	3	
9	B Sc. OOT	3	
10	BSc. RIT	3	
11	B.Sc.(Hons) Community Science	1	Self financed

Candidate failing to attend the said Counselling on the specified date and time shall forfeit their candidature for selection to the seats given above.

The spot round counselling is necessitated due to paucity of time.

(ER. M. NAKRO)
Director

Rongnendak tanaben lapoktsü atema Ukraine-Russia tezüngzüktep agitsü

Istanbul, Chiteni/July 22 (Agencies): Danga linüktemi jang-o-tzü yoktsü atema Ukrainian Black Sea ports tanaben lapoktsü asoshi Russia aser Ukraine tsüngta Hokulbarnü tezüngzüktep ka züluteptsü, ta Turkey aser United Nations ajanga ashi, anungji Russia-i Ukraine amakba ajanga alima nung chiyongtsü agi anüngtsü khuret tajemba kumdaktsütsü.

Alima nung choyongtsü timtiba ayokba linüktem rongnung Russia aser Ukraine ya lir, aser linük ana indang infrastructure aser defence

minister tem Istanbul nung 1330 GMT ako nung iba tezüngzüktep agitsü atema yoktsü, ta osang balala ajanga ashi.

Turkey aser UN tetsüngtai ia yangluba tezüngzüktep nung Defence Minister Sergei Shoigu-i meyongnem agütsütsü, ta Kremlin-i ashi aser Ukraine Tir Volodymyr Zelenskyy-ia par linük rongnendak tesemtem tekeratiba nung lapoktsü imlar, ta shia liasü.

Iba sentong nung U.N. Secretary-General Antonio Guterres aser Turkey Tir Tayyip Erdogan adentsü.

Russia indang Back Sea fleet

ajanga nokdangba ajanga alima nung chiyongtsü agütsüba tesendaktep nung kongshi aser ano anüolen linüktemi Moscow nem tenokdangba balala agütsüba ajanga Russian sepaitemi February 24 nü nungi Ukraine amak tenzüker chiyongtsü aser energy nung jenjang kanga sashia kumogo.

Iba tezüngzüktep indang osang tejangja sangdonga mali. Saka Russian state news agency TASS ajanga ashiba agi, Odesa densema Ukraine nung rongnendak tesem asem tanaben lapoktsü.

(Maneni tapak 10 nung...)

Singapore nung nisung ka alenseta südaktsü

Singapore, Chiteni/July 22 (Agencies): Küm pungo tejakdang temesepba mozü shibelenba ken o nung aija alisang Nazeri bin Lajim, Singapore nung aliba Changi Prison nung alenseta südaktsü.

Arishi küm 64 taon Singapore nungba ya renema aliba ama Hokulbarnep merenshiogo, ta iba city-state indang prison service ajanga email sangdong ka nung ashi.

Tawa Singapore nung nisung aika alenseta südaktsü, anungji linük nung talisa temesepba mozü indang ken o nung tasüba temerenshi agütsüba indang tali jateta adoka jembi tenzüker.

"Taküm Singapore nung ita pezü majungdang nisung pungo alenseta südaktsüogo aser parnok ajak ya temesepba mozü shibelenba ken o nung aitsürtem lir," ta Amnesty International indang tasüba temerenshi tsütsü mongin, Chiara Sangiorgio-i sangdong ka nung ashi.

"Iba ama tanen makai nisung alenseta südaktsüba maparen ya tekeratiba nung anentsüla," ta ashi.

Singapore nung Abdul Kahar Othman ya March 30 nü alenseta südaktsüba ajanga iba linük nung küm ana tasüba temerenshi amshiba anena ataba tembanga liasü.

April ita Malaysia nung Nagaenthran Dharmalingam alenseta südaktsü, shiba angazükba nung tashi mait ka lir aser pa indang ken o ya alimai metet aser par kibong, United Nations mongintem, European Union aser Malaysia sorkari tatok agütsütsü mepishia liasü.

Pa indang ken o tatembangba jembidang Nagaenthran takum

kumzüktsü merangba ya ozüing inyakyim anema tashiyim amshiba ka lir aser temerenshi agütsütsü aliba anendaktsütsü mesüra menudaktsütsü merangba ya tim masü, ta shia liasü.

Nazeri ya mapangdong nung tatok agütsütsü teimla ka liasü aser Brehostibarnü tepuokdak nungi Zoom ajanga pa okatsür ka bushitsü mechi temerenshi magütsü alitsü asüngdanga liasü. Taoba mapang pa asoshi ken o jembitsür M Ravi indang kulizüing kaket meyipa meshiogo. Court ajanga pai mepishiba magizük.

2012 küm Nazeri ya heroin gram 33.39 bena aliba nguteta apu. Singapore nung temesepba mozü gram 15 dak tema bena aliba ya shibelenka ka ama züngshir aser tasüba temerenshi agütsür.

Mapa tamajung inyakba aser temesepba mozü shibelenba nokdangtsü asoshi tasüba temerenshi ya nüngdak, ta Singapore-i ashir.

Nagaenthran alensetba sülen UN human rights mongintem indang telok kati sangdong ka agütsüba nung, Singapore nung temesepba mozü dak sendakba ken o nung maneni tasüba temerenshi agütsüba ya international law den mapet lir, ta ashi. Tasüba temerenshi amshiba linük temi mapa tamajung inyakba atema dang amshitsüla aser temesepba mozü dak sendakba aibelen agi aji matonger, ta ashi.

United Nations Office on Drugs and Crime (UNODC) aser International Narcotics Control Board (INCB) ajanga temesepba mozü mechi tasüba temerenshi agütsüba aija liasü.

Sri Lanka PM inyaktsü Dinesh Gunawardena shimogo



Dinesh Gunawardena

Colombo, Chiteni/July 22 (Agencies): Colombo nung sorkar anema longkak aiterem sepaitemi meindoker ghonda ishika lir Dinesh Gunawardena ya Sri Lanka ato kilonser inyaktsü tezüngzüktep agiogo.

Gunawardena ya tang yimsü tesüdak Sri Lanka People's

Front nung züngsem tejen ka lir aser Rajapaksa'er kibong den tembar ka lir. Pai Tir Ranil Wickremesinghe matsüngdang Hokulbarnü tezüngzüktep agia liasü. Wickremesinghe ya ato kilonser inyaka liasü aser Bodhbarnü parliament nung vote agitepa tir akum.

Tena ya arishi küm asem asüba mapang nungi medemer liasü aser külemi azüing, saka tangatetba balala aliba political party anir lir.

Arishi küm 73 tain Wickremesinghe ya free-market champion aser anüolen linük yimsüsür busemer aser

kinunger kar ministry mapa nungi anena liasü.

Colombo nung tir aliba ki anasa longkak aiterem adenshia anogo 104 tashi longkak aita aruba police temi meindoka kar apuba sülen Gunawardena ya shimteta liasü.

arishi küm 73 tain Gunawardena ya Sinhala nationalist ka lir, shibai socialism nung amanger aser rongsenketzüng sorkari azüoktsü janjar.

Cabinet ya Hokulbar nikongdang tashinung shima tezüngzüktep agitsü lir. Tezüngzüktep agiba mapang ato kilonser indang office tezülen security tesashi yoka liasü.

Rongsenketzüng jenjang mejungi akumba ajanga nütüng yongsük million 22 aliba asetkong linük nung mozü, chiyongtsü aser totzü ama tongtipang oset agi anünga akumba mechi ita aika nüburtemi par lenirtem mapa nungi anentsü takhangba agüja aru.

Longkak aita mechi taoba Tir Gotabaya Rajapaksa taoba hopta mapa nungi anen. Par kibongi Sri Lanka nung küm 20 jungnüa yimsü süa aru, saka rongsenketzüng mechi nüburtem ain adoka par

kinunger kar ministry mapa nungi anena liasü.

Colombo nung tir aliba ki anasa longkak aiterem adenshia anogo 104 tashi longkak aita aruba police temi meindoka kar apuba sülen Gunawardena ya shimteta liasü.

Sri Lanka security forces temi sorkar anema longkak aita tesem tongtipa raksatsü aser aonung activist kar pua liasü. Tir indang secretariat mokdanga aliba longkak aiter alidaki sepaitem süng aser prangbong amer oa liasü.

Sepai aser police Special Task Force commando temi yangji longkak aiter temi yua aliba barricades tem agientsü aser anünga aliba longkak aiterem aniena liasü.

Anepdangbo sepaitem automatic assault rifles tem amer iba ki lungbanga liasü aser iba tesemi aruba lenmang müketa nokdaka liasü.

(Maneni tapak 10 nung...)

Phek district BSG nung tir ka ama Phek DC aniokogo



Phek jila nung July 21, 2022 nü Phek District Bharat Scouts & Guides (PDBSG) indang tir ka ama Phek Deputy Commissioner, Razouvolie Dozo aniokba sentong nung tangokba noksa ka yangi angur.

Kohima, Chiteni/July 22 (TYO): Phek indang Deputy Commissioner, Razouvolie Dozo ya Phek District Bharat Scouts & Guides (PDBSG) indang tir ka ama Brehostibarnü aniokogo.

Deputy Commissioner, Phek indang Conference Hall nung PDBSG atema ketdangsur kar aniokba sentong agiba nung Nagaland Bharat Scouts & Guides nungi John Tochimong, State Organizing Commissioner (S) ajanga iba inyakyim ketdangsuä liasü.

Iba sentong nung Petekhriono Tetso menden liasü aser Nagaland Bharat Scouts

and Guides nungi Vimezhonu Tetso, State Organizing Commissioner (G) ajanga iba sentong indang rateta jembia aser Niivesayi Hoshi, Project Assistant, DEO Phek ajanga melepziung o jembia liasü.

Iba sülen Guide Captain tem atema basic course agüja liasü, kong Vimezhonu Tetso ya lenir lir. Iba course ya July 27 tashi agütsüsü.

Tang PDBSG team nung tir Razouvolie Dozo, DC Phek; tatong tir Zhoneli Tiinyi (tir Chakhesang Mothers' Association); Colo Mero (Football Association Phek District tir); Chetezo Akami

(Phek District Chamber of Commerce & Industry tir); District Commissioner (S)- Wutsutho Nyuthe (District Sports Officer Phek); Institutional Representative- Sabu Koza (All Nagaland Private Schools' Association, Phek unit tir); District Commissioner (G)- Vichiimeno Rhakho (Phek Town Baptist Church nungi); Information & Media Publicity- Chizokho Vero (Journalist); Treasurer - Neikote Theke (Phek Town Youth Society nungi) aser District Organizer (G)- Votolii Luruo (Advance Guide Captain) alitsü.

CMA-i sorchiok tetoktepba ayongzük



Phek, Chiteni/July 22, 2022 (TYO): Akhi tetsü-tebo mapang nungi sorchioka aruba (indigenous cooking) yimyatem ajungkettsüsü nükjidong nung, Chakhesang Mothers' Association (CMA)-i Bodhbarnü (20.07.2022) Phek Town Hall nung sorchiok tetoktepba ayongzük, ta sangdong ka ajanga metetdaksü.

Iba tetoktepba den repsema Chakhesang kin aon (dish) asoba yimyatem zülüoka ayuba aser sangdongba; aser Chakhesang kin sobaliba sobusülemtsü tem sayaba sentong agi, kong alakteta tejaoker ama MLA aser NPF Legislature Party, lenir Kuzholuzo (Azo) Nienu dena liasü.

Iba sentong nung Nienu-i, temang anema alitsü asoshi asenoki chiyongtsü shitak/ tajung achi-ajemtsü nungdaker, koba asen tetsü-tebo mapang nungi item inyakyim benshia aru, ta ashi.

tebo temi chia - jema aruba chiyongtsütem ajungkettsüsü kechiyong item chiyongtsü achitsü ajungba den külemi temang nunga teyari agütsür, ta pai telok ajungshia liasü.

Phek Deputy Commissioner, Razouvolie Dozo, NCS-i, Chakhesang kin aon (dish) asoba yimyatem zülüoka ayuba atema organising committee dang pelaba lemsatop aser pai ashiba agi, iba sentong ajanga sorchiokba yimya aser tasatem tajungba melenshitsü ajungmesoba den pei kin sorchiokba inyakyim aser sobaliba tali jangjatsü asoshi maongka tulu agütsü, ta ashi.

Iba sentong nung CMA Publicity & Information Secretary, Wezope-u Elah menden liasü. CMA President, Zhoneli Tüny-i okila jembia aser CPO President, Vezuhu Keyho-i telok pela agizük.

Chakhesang Mothers Association-i ayongba sorchiok tetoktepba nung tetendangeremji Vechisalü

Nukhu, Advisor CMA; Dukhrulu Lohe, Project Officer, DRDA Phek; Neingupe-u K. Rhakho; Kekhrongulo-u Kapfo, taoba mapang NMA Treasurer; Mütünüli Keyho, Naga Chef, Season 8th winner; Vesupra Kezo, Superintendent of Police, Phek, Nagaland aser Vekhosayi Nyekha, President, Tenyimia Union Dimapur nung liasü.

Maneni, iba sorchiok tetoktepba nung Pfutsero Town Mothers Association-i mezüngbuba jenang nung takok angu aser parnoki senpet 30,000 agizük. CPO ajanga iba senpet atema tenla agütsü. Secheku Mothers' Welfare Society-i tanabuba jenang ajangzükta senpet 20,000 angu, Khuza/Kezha Area Mothers' Association-i tasembuba jenang ajangzükta senpet 15,000 aser Chakhesang Women Society Kohima-i pezübuba jenang ajangzükta senpet 10,000 angu, ta kasa sangdong ajanga ashi.

**Office of the
Chuchuyimlang Senso Telongjem Mokochung (CSTM)**

TENÜNGSANG AGÜTSÜR

Wb. Talimeren S/o Lt. Wb. Imkongwati aser Wt. Tongpangkoka, pai Government mapa nung nendaka inyaka arur District Horticulture Officer jenjang tongteta sensosanger nem konang nungsang bener arutsüba atema Sensosanger-i tetushi agütsür. Tsüngremi pa nübur tenzüksü asoshi arishi talang moajangma.

**Sd/-
Tsüknungyanger
President, CSTM**

**Sd/-
Talitoshi
Secretary, CSTM**

**PROCLAMATION REQUIRED FOR
APPEARANCE OF ACCUSED PERSON**

319B, Ground Floor, Satpal Colony Matke Wali gali, Badarpur, Delhi, Permanent R/O Near Koiri Bandh, Jharia Dhanbad Jharkhand nungi Daya Ram Sonkar'er jabaso Rakesh Sonkar aser 319B, Ground Floor, Satpal Colony Matke Wali Gali, Badarpur, Delhi, Permanent R/O Near Koiri Bandh, Jharia Dhanbad Jharkhand nungi Rakesh Sonkar kinungtsü Sandeep Devi @Nikki Kaur @Jasvinder Singh nati mapa tamajung inyakba (mesüra tenati mapa tamajung inyak ama temulung melemi bilemer) anema Case FIR No. 25/2019 Dt. 25.02.2019 U/s 406/420/120-S

IPC P.S: EOW, Delhi kübok tashishiba ken o benoka lir aser 'warrant of arrest' agüja lir aser Rakesh Sonkar & Ms. Sandeep Devi @ Nikki Kaur @ Jasvinder Singh naprongla mengui kümoggo aser tena ya jenadok ama bilemer. Anungji, tekalen agüja aliba mapa tamajung inyaker tenung ana ya ozüng alema inyaker (Proclaimed Offender) nisung ta sangdonger.

Case FIR No. 25/2019, DI. 25.02.2019 U/s 406/420/120-B IPC, PS: EOW, Delhi kübok Rakesh Sonkar aser Ms. Sandeep Devi @ Nikki Kaur @ Jasvinder Singh naprongla dang 23.08.2022 anogo matongdang tashishiba ken o dak sendakba nung okadak (court) matsüngdang telangzüba agütsüsü asoshi tetuyuba agütsür.

**By order
Ms. SHIVANI CHAUHAN
Chief Metropolitan Magistrate,
Room No. 516,
Saket Courts Complex, New Delhi**

DP/9335/EOW/2022

Agnipath Scheme kübok Nagaland atema army recruitment rally agitsü

Kohima, Chiteni/July 22, 2022 (TYO): Bhagat Stadium, Rangapahar Military Station, Dimapur nung September 07 nungi September 23, 2022 anogotem tashi Nagaland indang District ajak atema tawa sangdongba Agnipath Scheme kübok Army Recruitment Rally agitsü, ta PRO (Def) Kohima sangdong ka ajanga Lt Col Sumit K Sharma-i metetdaksü. Iba recruitment dak sendakba nung eligibility criteria aser QRs tejangjatem www.joinindianarmy.nic.in website nung angutsü. Candidates atema July 05, 2022

anogo nungi Online registration lapoktsüogo aser August 03, 2022 anogo tashi registration lapoktsür. Iba rally nung shilem agitsüpur ajaki online ajanga registration asütsüla. Taküm recruitment atema sorkar ajanga küm ana relaxation' agütsüogo. Candidate tem, shirnok Sorkari jangjateta aliba ITIs nungi qualification ngua lir, iba scheme ajanga item candidate nem 'bonus marks' melatsü. Iba rally dak sendakba nung osang tejangjatem agüja aliba website nung angutsü, ta kasa sangdong ajanga ashi.

Agri Dept-i Niuland nung süngodong lema agütsü

Niuland, Chiteni/July 22, 2022 (TYO): Niuland Sub-Divisional Agriculture Office-i Bodhbarnü (20.07.2022) Tea development program (RKVY) kübok Niuland district nung 'small tea growers' atema süngodong (Tea sapling) lema agütsüba sentong ayongzük, ta sangdong ka ajanga metetdaksü. Deputy Commissioner Niuland, S. Sara Jamir-i ashiba agi, Nagaland nung aluyimba district rongnung takatiba akümtsü asoshi Niuland district dak tashi lir, kechiyong tsünüsembongtsü tapu balala yoktsü atema iba district nung ali aser tziü mopung kanga dang tetemsi.

Süngodong timba tema süngolu tuluba kümdaktsüsü asoshi inyaktsüla aser ibaji ajanga tangar atema mapa maongka adoktsü, ta lai süngolu

ayimertem ajungshia liasü DC-i, stakeholder balala longjemer inyakba indang metetdaksü aser süngo tsünür nem technical ajanga nungittsü aser nungdakba kol osettem (machinery) agütsüsü asoshi SDAO Niuland dang mepishiogo. Tea industry nung tali jangjatetsü asoshi Niuland süngo atema patent' ka register asütsü asoshi lai bilemba lemsatop. Iba sentong nung süngolu ayimer/tsünür nem süngodong 50,000 lema agütsü. District nung süngolu tsünür tenung nungi Kuhoxu village, Head GB, TokisheZhimomi-i jembia liasü. Iba sentong nung Obed Chisho, AO menden liasü aser Niuland SDAO, L Kivika Chophi-i okila jembia. Sentong tembanga Leah AI-i tepela anküp o jembia.

2buba Kohima Inter-department badminton asayamung tenzükogo



Kohima, Chiteni/July 22, 2022 (TYO): Nagaland Legislative Assembly multipurpose hall, Kohima nung Hokolbarnü 2buba Inter-departmental Badminton Tournament Kohima 2022 tenzükogo, ta sangdong ka ajanga metetdaksü.

Inter-department Badminton Club (IDBC) ajanga iba asayamung ayongzükter aser anogo ana tashi asayatsü renemba asayamung nung Sorkar department aser agency 31 agi shilem agidar.

Inter-departmental Badminton Tournament Kohima lapokba sentong nung alakteta tejaoker ama Minister of Higher Education & Tribal Affairs, Temjen Imna Along dena liasü.

Along-i ashiba agi, badminton asaya ajanga Sorkar tenzükba wadang nung inyakertem tsüngda kati ka akhümtsübutüsü aser tesendaktep tajungba yanglutsü asoshi iba ama asayamung

kanga tongtibang.

Külem nübur yaritsü mechi asalentong yanglua aser inyaksü asoshi, pai asayamung nung shilem agirtem ayongzük.

Iba asayamung nung shilem agia aser longjemba dak alia, lenla ajunga nung nüburtem yaritsü asoshi tenzükba wadang nung inyakertem longjemtsüla aser telok tajung tentetsüla, ta Along-i bilemba lemsatap.

State nung lanurtem ajungkettsü aser saisapongertem yaritsü asoshi pai telok ajungshia liasü.

Iba dak sendakba nung, Along-i, saisapong balala nung takoker adokdaksütsü nüngdaker aser saisapong nung yakpang ser shilem agitsü asoshi State nung saisapongertem ajungshitsüla, ta ashi. Deputy commissioner (DC) Kohima aser IDBC Convenor, Shanavas C-i, iba Inter-Departmental asayamung nung Department 31 nungi team 98 agi shilem agidar, ta ashi.

Sorkar Department aser Agency tsüngda metetpela aser tesendaktep tajungba yanglutsü nükjidong nung iba asayamung ayongzükter, ta DC Shanavas-i ashi.

Takok aser tamakok dang nungibo, Sorkar tenzükba wadang balala nung inyakertem shilem tajung agia aser kati ka ajungmesotepba ya ajak dang tulutiba, ta pai ashi.

Ajsüüaka, Inter-department badminton asayamung maneni takok ngua ayongzüksüsa taruba küm nungibo iba asayamung melentepa ayongzüksü asoshi department temi ketdangüsü achaayangtsü akok, ta DC-i bilemba lemsatap.

2buba Inter-departmental Badminton Tournament Kohima 2022 nung category pezü - Men's Doubles (Department shia nungi team ana), Women's Doubles (Department shia nungi team ka), Mixed Doubles (Department shia nungi team ka) aser 50+, legislators & retiree's lemsar asayadar, ta kasa sangdong ajanga ashi.

Asayartem shimtsü atema trials agitsü: BAMD

Mokokchung, Chiteni/July 22, 2022 (TYO): Imkongmeren Sports Complex nung aruya aliba Bodhbar (27.07.2022) anogo asayartem shimtsü atema Basketball Association Mokokchung District-i Mokokchung nung basketball asayartem trials agitsü, ta sangdong ka ajanga BAMD, President, Meyatoshi Imchen aser BAMD, Secretary, Temsutoshi nati metetdaksü.

District nung basketball

asayartem atema Bodhbar nikongdang 3:00 ako nungi selection trials tenzüksü.

Aruya aliba Nagaland Olympic and Paralympics Games 2022 (NOPG), koba August, 2022 nung asayatsü renema lir, iba asayamung nung teshimtet asayartemi Mokokchung district tenung nungi shilem agitsü.

Anungji, iba selection trials nung shilem agitsü asoshi BAMD-i district nung basketball asayar lanur aser tain,

tetsür aser tebur ajak jaoker aser NOPG 2022 nung district tenung nungi tejak tentetta shilem agitsü asoshi maangka tulu agidaksüner.

Basketball saisapong temaba jenjangi ajungkettsü asoshi asenok ajak longjemer meranga inyakdi.

Iba selection trials dak sendakba nung osang tejangja metettsü atema ph .no: 7005377858 nung tongtepratepang, ta kasa sangdong ajanga ashi.

Bayern Munich-i De Ligt den tenangzüktepba yangluogo

Chiteni/July 22, 2022 (Agencies): Bayern Munich-i Dutch nung defender Matthijs de Ligt, Juventus nungi alizükogo. Pa Bayern nungi 2027 küm tashi asayatsü, ta club sangdong ka ajanga Mongolbarnü metetdaksü.

Juventus sangdong ka ajanga ashiba agi, asayar ya euro million 67 agi alizükogo aser pa asayaba dak ajemdaker ano euro million 10 bonus balala agütsüsü akok.

Osang ajanga ashiba agi, Chelsea puri pa alizükünia liasü, saka de Ligt-i Bayern nungi asayatsüang jangra liasü. German league champion yagi parnok indang striker Robert Lewandowski Barcelona dang yokogo. Kasa mapang nung Juventus-i, Paul Pogba aser Angel Di Maria na Manchester United aser Paris Saint Germain

nungi alizükogo.

"De Ligt ya onok atema tongtibang asayar ka liasü. Iba amala asayartem alizükba sülen onok nükjidong tulu alibatam takoktsü kümogo," ta Bayern tir Herbert Hainer-i ashi.

"Iba club nung asayar ka akümba atema ni kanga pelar. FC Bayern ya Germany nung club tem rongnung ajak tang takok tajungtiba anguba club lir aser aji dang masü Europe aser alima nunga takok tajungtiba anguba club ka lir. Ni sporting management, coach aser board-i mezüng nungi ni kanga aginüba reprangtet aser iba ajanga ni club nung adentsü telemtetba agi. Ni FC Bayern otsü nung shilem ka akümba atema kanga pelar," ta de Ligt-i ashi.

De Ligt ya Ajax academy nung küm teku asüba mpang

aden aser 2016 küm arishi küm 17 asüba mapang club nung professional asayar ka ama mezüngbuba asaya liasü aser iba asaya nung pai mezüngbuba goal idaksü. De Ligt ya Ajax indang puti otsü nung captain tem rongnung tanobusang lir aser 1945 küm sülen Dutch national team nung asayartem rongnung tanobusang lir.

Ajax nungi 117 ben asayaba sülen 2019 küm pai league aser cup naprongla akok aser Seria A nung Juventus nung oa aden.

Juventus nungi asayaba mapang pai league title ka, Italian Super Cup ka kokogo. Pai iba club nungi 117 ben asaya aser iba mapang goal ti tashi idakja liasü. International jenjang nung pa Netherlands tenung nungi 38 ben asayaogo aser goal ana idakja lir.

Sept 2 nungi 1st Kohima District Futsal C'ship asayatsü

Kohima, Chiteni/July 22, 2022 (TYO): Kohima District Football Association (K DFA)-i September 2 aser 3, 2022 anogotem nung L. Viluo FIFA Pro Astro turf, Meriema kübok Ibuba Kohima District Futsal Championship ayongzüksü terenemba lir, ta sangdong ka ajanga metetdaksü.

Iba Championship ya '5-a-side format' nung ayongzüksü aser K DFA nung züngoka (registered) alir asayartem dang iba championship nung shilem agitsü asoshi melatsü.

Iba Championship nung

takok angur team-i district tenung nungi 2buba Nagaland Football Association (NFA) Futsal Tournament nung shilem agitsü asoshi maangka angutsü.

Temaba team ana nem senpet, trophy aser citation agütsüsü. Ano külen, iba Championship indang match shia nung asayar tajung nem 'man of the match' award agütsüsü renema lir.

Ibuba Kohima District Futsal Championship atema team shia entry fee sen 2,500 asütsü, ta kasa sangdong ajanga ashi.

Rongnendak tanaben... (Tapak 8 nungi...)

Jang tonne million 20 shi Odesa rongnendak lir aser Moscow-i amakba ajanga rong ter dak tema taolen maka anendaka lir.

Hokulbarnü Istanbul nung adenshiba ajanga tang chiyongtsü nung timtem adoka aliba koktettsü asoshi mera mezüngbuba alitsü, ta Turkish Foreign Minister Mevlut Cavusoglu-i Brehostibarnü

tweet ka nung shia liasü.

United States-ia iba tezüngzüktep pela agizük aser iba tezüngzüktep mapa kuma inyaksü Russia dak keta lir, ta ashi.

Ajsüüaka Moscow-i alima nung chiyongtsü tsütsü jenjang mejungi akumba ya anüolen linüktemi par linük nem tenokdangba balala agütsüba ajanga lir, ta ashir.

Sri Lanka PM inyaksü... (Tapak 8 nungi...)

Sepai aser police 1,000 dak tema amshia yasung protest camp mürektetba ajanga tir indang office nung tanaben mapa inyak tenzükte, ta police odongtar Nihal Thaldüwa-i ashi.

"Presidential Secretariat, main gate aser temeket tesemtem atsüngsepa longkak aiter aliba police aser security forces temi mürekteta liasü," ta police ajanga sangdong ka nung ashi.

Parnokisa nisung tuko apu aser ana yiru, ta ashi.

Linük nung okartsür tentet tulutiba, Bar Association of Sri Lanka ajanga ashiba agi, longkak aitba tesem nung yariteptsü aoba mapang okatsür ana züka merenshi. Hokulbarnü sangdong ka nung armed forces temi civilian anema tashiyim amshiba anentsü ayongzükba liasü.

Anasa aliba tesemtem nung activist noklang aika adenshia ketdangsur mapa anema longkak aita liasü aser Wickremesinghe mapa nungi anena election tasen agitsü atema parliament anenang, ta takhangba agütsü.

Activist Harindra Fonseka-i osangbener dang ashiba agi, tashiyim amshia longkak aiter agienba ya sorkari teyari agüja

kiralongra mapa inyakba lir.

"Iba telemtetba ajanga onok mangmanger, kechiaser onoki ketdangsur dang iba tesem nungi ainshitsü ta jangja-jangja shia lir," ta pai ashi.

Ayatirm nung longkak aiter züka merenshi, ta Father Jeevantha Peiris-i ashi.

"Ajungbena ayatirm nung longkak aiter mejanga orr kecha memeteti lia sepaitem arua teka sangshi, osangbener merenshi," ta pai ashi.

"Iba movement ya kanga junga ayongzükba lir, kong kin balala, tamangba yimsü balala aser yimtenren tangatetba balala lir. Anungji onok yangi manentsü," ta ashi.

Sorkar meyong ki-o-jen amokbangba ya ozüng alema lir, anungji parnok sasa mainshira tashiyim amshia azüngtettsü, ta Wickremesinghe-i shia liasü.

"Nenoki sorkar laodaksütsü merangra, tir indang office aser ato kilonser indang office amokbangra, ibaji democracy masü, ibaji ozüng alema lir," ta pai ashi.

Tir tasenbai state of emergency sangdonga lir, anungji armed forces nem tashi balaka agütsür aser police temi ken o mebenoki nisung pua ayutsü melar.

BILEMDANGANG

"Tsüngremer sayatena ajanga alimaji metetloka aoer."